

**TATA IBADAH TAHUN BARU Sa-GKPS DISTRIK IV
01 JANUARI 2021**

1. Votum-Introitus-Tonggo

- P. Riap ma hita jongjong!
Ibagas goran ni Naibata Bapa pakon Tuhan Jesus Kristus ampa Tonduy Na Pansing Sitompa langit pakon tanoh on. Amin.
- K. Sai kawah-kawah do matangku dompak dolog; hunja do nani roh pangurupion bangku?
- P+K. Pangurupion bangku roh humbani Jahowa, Sitompa langit pakon tanoh.
- P. Seng palopason-Ni jiris naheimu, anjaha seng tartunduh Sijaga ho.
- K. Jahowa do na manjagai ho, humbani sagala parmaraan, sai jagaon-Ni do tonduymu.
- P. Jahowa do manjagai ho laho luar ampa laho masuk, humbani sonari ronsi sadokah ni dokahni. Haleluya, Haleluya, Haleluya.
- K. (Mandodingkon) Haleluya, Haleluya, Haleluya...
- P. Martonggo ma hita.
Ham Tuhan Naibata Bapanami, marhitei Anak-Mu Jesus Kristus Tuhan nami. Tarima kasih ma Bamu halani iramoti Ham do hanami marhitei idop ni uhur-Mu, mambahen boi hanami mandipar hu bani tahun na bayu on. Maidop ma uhur-Mu bannami, parayak Ham ma hanami na martumpu on, ase bayu uhurnami marhitei Tonduy Na Pansing in, janah gabe margogoh hanami mamuji pakon pasangapkon Ham. Marhiteihonni in gabe boi ihorjahon hanami harosuhni uhur-Mu ronsi ujung ni goluh nami. Amin.
(*hundul kuria*)

2. Doding Haleluya No. 6:1,2,14+15

- Ham do ipuji uhurhon, Jahowa Tuhankin,
Huambilankon do tongtong ganup binaen-Mu in.
Hubotoh Ham do bonani na dear haganup
Ibere Ham buei hunjin bannami haganup.
Seng onggga salah Naibata, bai ginomgom-Ni in
Ibahren barang aha da, dear do ujungnin.
Paturut Naibata gelah patorsa langkahmin
Ase tongtong sonang ho lah, timbul 'pa tuahmin.

3. Hasasapan ni Dousa

- P. Riap ma hita jongjong!
Martonggo ma hita, sopotkon hita ma dousanta hubani Tuhan Naibata!
Ham Tuhan Naibata simada ampa sibotoh haganup na adong iajari Ham do

hanami ase tetap mangkamalaskon pasu-pasu na dob binere-Mu hubannami, tapi gati do lang ihamalaskon uhurnami sibere-bere-Mu. Janah iajamkon hanami do gogoh, pikiran sonai age uhurnami sandiri, laho mansuhuni sura-surunami. Jajat na hurang podas do pangahapnami martambah sinadongan, gabe ipindahi parhitean na so tiba dalanni. Lang homa ipakei hanami panorang na binere-Mu in ibagas gok tanggung jawab. Gati do lolei hanami laho mangindahi Ham halani mamparayak arta na laho salpu in. Ham Tuhan marpangulaki ma uhur-Mu mangidah ganup dousa pakon hajahatonnami in. Hartuki Ham ma uhurnami ase ulang inunut hanami be mangkorjahon dousa pakon ganup na jahat in. Topa Ham ma uhur na bayu marhitei Tonduy-Mu ase tongtong hanami manggoluh ibagas hapintoran-Mu, Ibagas Kristus Jesus Sipaluah in, sasap Ham ma dousanami anjaha jalo Ham ma tonggonami on. Amen.

P. Tangar anjaha haporsayai hita ma Hata ni Naibata, bagah-bagah pasal hasasapon ni dousa. Domma Hupasisi salahmu songon hombun, anjaha songon hombun na manorap dousamu. Mulak ma ho hu Bangku, ai Ahu do na manobus ho. Hasangapon ma bani Naibata ibabou.

K. Amen.

(hundul kuria)

4. Doding Haleluya No. 236:1+2

Seng na tarhatahon haholonganni, uhurni Tuhanta bai pardosa in;

Pusok do uhur-Ni bani jolma in, na so ra unduk bani Hata-Ni in.

Sol pagoluhan-Ni ganup jolma in, sol pasonangon-Ni 'ge parjahat in;

Asal itangihon haganupan in, Hata hagoluhan binoan-Ni in.

5. Tonggo Pangapition

6. Nyanyian Rohani "Bukan Karena Kekuatanku"

Bukan karena kekuatanku, ku dapat jalani hidupku.

Tanpa Tuhan yang disampingku, ku tak mampu sendiri.

Engkaulah kuatku, yang menopangku.

Kupandang wajah-Mu dan berseru, pertolonganku datang dari-Mu

Peganglah tanganku, jangan lepaskan, Kaulah harapan dalam hidupku

Lang halani hagogohonkin, boi au mandalani goluh on

Anggo lang Ham ilambungkin, lang boi au songon on

Ham do hagogohon, manungkoli au

Huidah Bohi-Mu tor martonggo au, mangindo pangurupion Bamu

Sai jolom tanganku, sai togu ma au,

Ai Ham do Tuhanku, pargogoh tongon 2x

7. Ambilan: 4 Musa 6:22-27

Somalni adong do dua pangahap na roh banta bani panorang tahun baru, aima malas ni uhur pakon gobir. Bani sada sisi, boi do hita marmalas ni uhur

halani domma ilopusi hita tahun 2020 na salpu ibagas na jorgit angkulatta, atap porini songon na menarik nafas pe hita boi hatahonon “manggoluh do hape ahu bani tahun 2021 on”. Bani sisi na legan, roh use habiaran/hagobiron apalagi anggo mardingat hita bani peristiwa na lang songon pangarapanta bani panorang na salpu, ididah hita homa keterbatasan dirinta mandompakkoni, tontu mintor tubuh ma sungkun-sungkun: “sonaha do holi goluhku bani panorang tahun on?” Tapi sonaha pe pangahap na muncul banta bani panorang awal tahun on, haganupan ai domu hubani ahap na sonaha do na ipabanggal hita laho mandalani ari-arita bani tahun 2021 on. Songon kata bijak na mangkatahon, “*Sebuah tahun baru itu seperti sebuah buku agenda yang masih kosong. Penanya berada di dalam genggaman tanganmu. Tergantung padamu bagaimana kamu ingin ceritanya berakhir. Inilah kesempatanmu untuk menulis cerita yang sangat indah.*” Tontu selaku halak na porsaya, sihol do hita manuratkon carita na dear na lang pitah ikuasai rasa (emosional) na iahapkon hita hansa, tapi maningon do homa ihasomani referensi keimanan na sintong ibagas Tuhan marhiteihon Bibelta.

Hata ni Tuhan banta mamungkah awal tahun on mangarhkon hita ase mamungkah tahun on marhiteihon sikap na optimis halani ipasirsir Tuhan in do pasu-pasu-Ni banta. Halani ai, bani tahun on lang mandarami pasu-pasu use hita, tapi ibagas haporsayaon na mangalop pasu-pasu do hita humbani Tuhan in. Marhiteihon perikop on, dong tolu hal na ipasirsir Tuhan in banta:

(1) PERLINDUNGAN (Ayat 24)

Bani bahasa aslini (Ibrani), hata melindungi aima *Shamar*. Artini lang pitah melindungi tapi dihut do homa *mencakup menjagai, memperhatikan, memelihara, mempedulikan, merawat*. Marhiteihon pasu-pasu on, taridah sonaha pemeliharaan ni Naibata secara penuh ase parohkon hadearan banta. Bani sada sisi Naibata pasirsirhon haganupan na dear in bani na pinilih-Ni, janah bani sisi na legan, iramotkonni do hita humbani ganup munsuh na sihol mambuat haganupan na dear in humbanta.

(2) KASIH KARUNIA (Ayat 25)

Bani bahasa aslini (Ibrani) aima *Khawnan*. Artini pe lang pitah sekadar ibere idop ni uhur tapi dihut do homa isayang, ipaluah, ibere bantuan. Hal on marupahon tanda perkenanan Tuhan bani diri ni sasahalak jolma. Marhiteihon pasu-pasu on, gabe yakin do halak paboa Naibata manangihon tonggoni anjaha sirsir do Ia paluahkon hita hunbani ganup musuh, penyakit ampa dosa.

(3) DAMAI SEJAHTERA (Ayat 26)

Bani bahasa aslini aima *Shalom*. Artini on pe lang sekadar damai sejahtera, tapi dihut do homa mencakup ketenangan, kepuasaan, kecukupan, keselamatan ampa malas ni uhur. Pasu-pasu bani perikop on, marupahon gaya puisi Semit na memiliki pesan na sangat ibutuhkon halak na mandompakkon bageini ketidakpastian pakon bueini tantangan na boi mambahen gobir sanggah

sidea (bangsa Israel) i halimisan. Pada saat sasahalak atappe sada bangsa menjadi sasaran pasu-pasuni Tuhan, tontu sagala kesesakan, kelaparan, atap pe bahaya na sonaha pe ai gabe berperan laho patangkaskon hasirsiran ampa kemampuanni Tuhan in laho membuktikan holong-Ni in dompak bangsa/halak na hinaholongan-Ni. Halani ai, ulang ma hita gobir. Mardalan ma hita rup pakon Tuhan in na gabe sumber pasu-pasu banta. Selamat Tahun Baru.

8. Doding Haleluya No. 48:1-3

Naibata hasomanmin, lao mangkorjahon horjamu.

Ia do pangajamanmu, sai patoruh uhurmin.

Naibata hasomanmin. Naibata hasomanmin

Naibata hasomanmi! Anggo rapkon Naibata do,
seng tarbahren ho be kahou, sai torang do langkahmin.

Naibata hasomanmin! Naibata hasomanmin!

Naibata hasomanmin! Sai na saud do horjamu,

sai das do sura-suramu, janah sonang uhurmin.

Naibata hasomanin! Naibata hasomanmin.

9. Galangan

Paima iondoskon hita galanganta, tangar hita ma lobei Hata ni Naibata na gabe onjolan banta laho manggalang, aima na tarsurat bani: 2 Musa 35:5, "Patumpu hanima ma hun bennima galangan hubani Jahowa; barang ise na rosuh uhurni, iboban ma galangan hubani Jahowa". Sonari patumpu hita ma galanganta!

(iiringi musik)

10. Tonggo Galangan – Panutup – Pasu-Pasu

P. Riap ma hita jongjong!

Martonggo ma hita mangondoskon galanganta hubani Tuhan Naibata Ibagas uhur na martarimakasih roh do hanami marsombah hu-Bamu Tuhan, irik padaskon galangan bangga ni uhur nami hu-Bamu. Idop ma uhur-Mu Tuhan, jalo Ham ma hanami riap ampakon galangan nami on. Sai lambin pasu-pasu Ham ma homa goluh nami, sonai age gogoh nami laho mangirikkon Ham. Pinuji ma Goran-Mu! Pasu-pasu Ham ma Kuria-Mu ija bei pe marianan, sonai age bangsa pakon negara nami, bani buei tantangan ampa hamaholon na idompakkon hanami. Urupi janah-pasu-pasu Ham ma hanami ale Tuhan. Jalo Ham ma tonggo pangindoan nami on na ipadas hanami ibagas Tuhan Jesus Kristus Sipaluah hanami, Amen.

P. Riap ma hita martonggo songon tonggo na iajarhon Tuhan Jesus banta!

P+K. Ham Bapanami na i nagori atas. Sai napapansing ma goran-Mu! Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagoni atas! Bere Ham ma bannami sadari on hagoluhan ari-ari. Sasap Ham

ma dousanami songon panasap nami bani dousa ni hasoman na mardousa dompak hanami! Ulang hanami bobai Ham hu parlajouan! Paluah Ham ma hanami hun bani pangagou! Ai Ham do simada harajaon, pakon hagogohon ampa hasangapon sadokah ni dokahni. Amen.

P. Laho ma nasiam, janah "Ulang ma surut ringgas ni uhur nasiam, hinsah ma ibagas Tonduy, sirsir ma mambalosi Tuhan in". Jalo nasiam ma pasu-pasu humbani Tuhan Naibatanta:

Idop ni uhur ni Tuhan Jesus Kristus, ampa holong ni atei ni Naibata Bapa, ampa parsoran ni Tonduy Na Pansing ma mangkasomani nasiam/hita haganupan. Amen.

K. Amen...amen....amen.